



Koalicija za slobodne i poštene izbore "Pod lupom" organizira u Cazinu javnu tribinu pod nazivom "Prljavom kampanjom do izborne pobjede", a namijenjena je svim zainteresiranim građanima, predstavnicima nevladinih organizacija, udruženja i neformalnih grupa.

Tribina će biti održana u JU "Kulturni centar" Cazin, u utorak, 20. juna 2017. godine, sa početkom u 17:00 h.

"Cilj javne tribine je da razgovaramo o ključnim problemima u izbornom procesu, predstavimo preporuke za rješenje problema, te da iste u što skorije vrijeme zagovaramo kod donosioca odluka.

Javnoj tribini će prisustvovati građani općine Cazin, posmatrači Koalicije „Pod lupom“ iz općine Cazin i susjednih općina, predstavnici nevladinog sektora, akademske zajednice, civilnog društva i medija.

Učesnici javne tribine će imati priliku pogledati izložbu fotografija izbornih nepravilnosti koje su se dešavale za vrijeme Lokalnih izbora 2016. godine, kao i priliku da se direktno obrate donosiocima odluka slanjem razglednica sa zahtjevima za unapređenje izbornog procesa.

Ova javna tribina predstavlja nastavak aktivnosti na unapređenju izbornog zakonodavstva u BiH i šesta je u nizu od 13 javnih događaja koje Koalicija „Pod lupom“ organizuje širom Bosne i Hercegovine, u 13 različitih općina/gradova.

Molimo Vas da potvrdite učešće na e-mail adresu prijava@podlupom.org ili putem telefonskog poziva na broj 033 268 160
najkasnije do petka, 16. juna/lipnja 2017. godine.

Unaprijed zahvalni!

S poštovanjem."

Dario Jovanović , direktor projekta

Vehid Šehić, predsjednik Strateškog odbora